



Sektor za ljudska prava- Сектор за људска права

Broj:01-07-4-1229-3/17  
Sarajevo, 16.5.2017.godine

BOSNA I HERCEGOVINA  
VIJEĆE MINISTARA  
Generalno tajništvo  
n/p g. Zvonimira Kutleše, generalnog tajnika

**PREDMET:** Odgovor na pitanje zastupnika Mirsada Mešića, d o s t a v l j a s e

Poštovani,

Zastupnički dom Parlamentarne skupštine Bosne i Hercegovine uputio je Ministarstvu za ljudska prava i izbjeglice Bosne i Hercegovine zahtjev za dostavljanje odgovora u pisanoj formi na usmeno postavljeno zastupničko pitanje zastupnika Mirsada Mešića.

Mirsad Mešić, zastupnik u Zastupničkom domu Parlamentarne skupštine Bosne i Hercegovine, postavio je zastupničko pitanje u usmenom obliku predviđeno za 45. sjednicu Zastupničkog doma Parlamentarne skupštine Bosne i Hercegovine održane 10.5.2017.godine, koje se odnosilo na aktivnosti Vijeća ministara Bosne i Hercegovine u vezi s donošenjem Zakona o pravima žrtava torture u Bosni i Hercegovini.

U pravitku akta dostavljamo Prijedlog odgovora Ministarstva za ljudska prava i izbjeglice BiH na postavljeno zastupničko pitanje.

S poštovanjem,

**Privitak:** kao u tekstu

Dostavljeno:

- ☉ naslovu
- u spis predmeta
- a/a

Način otpreme: obična pošta



MINISTRICA  
Semih Borovac



**BOSNA I HERCEGOVINA  
VIJEĆE MINISTARA**

Broj:  
Sarajevo, 12.5.2017.godine

**PRIJEDLOG**

Mirsad Mešić, zastupnik u Zastupničkom domu Parlamentarne skupštine Bosne i Hercegovine, postavio je zastupničko pitanje u usmenom obliku predviđeno za 45. sjednicu Zastupničkog doma Parlamentarne skupštine Bosne i Hercegovine održane 10.5.2017.godine, koje se odnosilo na aktivnosti Vijeća ministara Bosne i Hercegovine u vezi s donošenjem Zakona o pravima žrtava torture u Bosni i Hercegovini.

Na postavljeno pitanje, Vijeće ministara Bosne i Hercegovine na \_\_\_sjednici održanoj \_\_\_\_\_godine, utvrdilo je sljedeći

**ODGOVOR**

Nakon niza neuspjelih pokušaja donošenja zakona o pravima žrtava torture u Bosni i Hercegovini, na tematskoj sjednici Zajedničke komisije za ljudska prava Parlamentarne skupštine Bosne i Hercegovine iz juna 2015. godine, aktuelizirana je inicijativa za izradu zakona o pravima žrtava torture u Bosni i Hercegovini, kada je usvojen zaključak kojim se zadužuje Vijeće ministara BiH da pripremi i u parlamentarnu proceduru uputi nacrt zakona o pravima žrtava torture u BiH.

Vijeće ministara je u oktobru iste godine odlukom formiralo Radnu grupu za izradu teksta zakona o pravima žrtava torture u BiH, u kojoj svog predstavnika jedino nije delegirala Vlada Republike Srpske, te je istom Odlukom ostavljena mogućnost naknadnog pridruživanja njenog predstavnika Radnoj grupi.

Radna grupa je izradila radni tekst zakona rukovodeći se principima Rezolucije Ujedinjenih naroda o osnovnim načelima i smjernicama za ostvarivanje prava na pravni lijek i reparacije žrtava teških kršenja međunarodnog prava ljudskih prava i ozbiljnih povreda međunarodnog humanitarnog prava. Udrženje logoraša Bosne i Hercegovine u toku rada Radne grupe dostavilo je svoj prijedlog teksta zakona o pravima žrtava torture Ministarstvu za ljudska prava i izbjeglice čiji su prijedlozi razmatrani tokom rada Radne grupe.

Prema važećim entitetskim propisima, ove kategorije ostvaruju određena prava kao civilne žrtve rata, ali u pogledu ovih prava postoje različita zakonska rješenja. Stoga je trenutno u izradi ekspertska analiza entitetskih zakona, zatim predloženog teksta zakona Radne grupe, kao i prijedloga koji je dostavilo Udruženje logoraša.

Analiza se radi s ciljem utvrđivanja zajedničke osnove u pogledu statusa i prava žrtava torture i ista bi trebala biti uskoro završena.

Radi se o značajnom pitanju zaštite ljudskih prava. Svjesni specifičnosti i osjetljivosti ove oblasti, posvećujemo joj posebnu pažnju s ciljem postizanja punog dogovora o vrsti i obimu prava žrtava torture.

Zbog toga što donošenje ovog zakona iziskuje duži vremenski period ova programska aktivnost iz 2016. godine, prenesena je u Program rada Vijeća ministara za 2017. godinu.